



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ

Յուրաքանչյուր տարի Հայաստանյայց եկեղեցին մեծ շուքով է նշում Սրբոց Թարգմանչաց տոները: Այս տարի ևս բազմամարդ էր Օշականի Մեծ Մաշտոցի անունը կրող եկեղեցին: Պահը հանդիսավոր էր ան անուով, որ նույն եկեղեցում, Վեհափառ Հայրապետի բարձր կարգադրությամբ, իրենց քահանայական կոչումն ստացան ու ձեռնադրվեցին հոգևոր ճեմարանի շրջանավարտ երկու բարեշնորհ սարկավազներ՝ Սարգիս Գուտուզյանն ու Գարսևան Երսնյանը:

Նախորդ օրը, հոկտեմբերի 13-ին, երեկոյան ժամերգությունից հետո, Մայր տաճարում տեղի էր ունեցել «Յերեկոյէ կոչումն քահանայութեան» կարգը, ըստ Ձեռնադրության Մոշտոցի՝ խարտավիլակությամբ Տ. Նավասարդ արդ. Կճոյանի:

Հոգեշնորհ հայր սուրբը վկայել էր մորընձաների հոգևոր ու մտավոր պատրաստվածության մասին՝ արժանանալու քահանայական ձեռնադրության:


Հոկտեմբերի 14-ին Ս. Մշտոց եկեղեցում պատարագ մատուցեց Մայր Աթոռի լուսարարապետ գերաշնորհ Տ. Հուսիկ արքեպս. Սանթրույանը: Պատարագի ընթացքին տեղի ունեցավ անվանակոչության ու օծման

արարողությունը: Սարգիս սարկավազը վերանվանվեց Տ. Մխիթար քահանա, իսկ Գարսևան սարկավազը՝ Տ. Մկրտիչ քահանա: Նորընծաները տվեցին իրենց առաջին օրհնությունը՝ «Խաղաղությո՜ւն ամենեցուն»:

«Ողջոյն»-ի պահին Տ. Հուսիկ սրբազանը ողջագուրվեց և շնորհավորեց մորընձաներին: Նրան հետևեցին բոլոր «քահանայք և սարկավազք»: Ասլա պատարագիչ սրբազան հայրը արտասանեց ոգեշունչ քարոզ՝ անդրադառնալով Հայ եկեղեցու այսօրվա դերին ու հայ հոգևորականի գործունեության նշանակությանը մեր ժողովրդի կյանքում: Սրբազան հարը մաղթեց մորընձաներին՝ պատվով շարունակելու նախնյաց սուրբ ավանդությունները:

Ս. պատարագին ներկա էին Մայր Աթոռի միաբանությունը, Ս. Մաշտոց եկեղեցու քահանայից դասը, հոգևոր ճեմարանի ուսանողությունը և բազմաթիվ հավատացյալներ:

Նույն օրը, երեկոյան, կատարվեց «Օրհնություն արեղայի» և «Օրհնություն վեղարի» կարգը, և Տ. Մխիթար քահանայից տրվեց կուսակրոն քահանայության խորհրդանիշ վեղար:



Ձեռնադրության արարողությունից մի պահ

Ձեռնադրության առթիվ Վեհարանում
նորընծաներին ընդունեց Վեհափառ Հայ-
րապետը, շնորհավորեց նրանց և մաղթեց,
որ լինեն հավատավոր սպասավորներ
Հայաստանյայց Առաքելական Սուրբ Եկե-
ղեցու:

• •

«Էջմիածին» ամսագրի խմբագրությունը
ես շնորհավորում է նորընծաներին, մաղ-
թելով, որ լինեն «հովիվ քաջ» և անմնա-
ցորդ նվիրվածությամբ ծառայեն աշխար-
հասփյուռ մեր ժողովրդին:

